

AVION DI AIR ARUBA DEN ACCIDENTE NA AEROPUERTO DI TAMPA

ORANJESTAD (AAN): Informacion cu DIARIO ta dispone di dje ta indica cu un avion di Air Aruba a haye den un accidente na Aeropuerto Internacional di Tampa Bay, na Florida.

E prome reaccion cu DIARIO a ricibi ta di hende cu ta punta si algo grave a pasa cu e avion di Air Aruba na Florida. Primeramente a ser bisa cu ta e avion a haya accidente na Miami, sinembargo esaki a resulta di ta na Tampa.


Loke a sosode ta cu e avion di Air Aruba tabata para segun e sistema di NIPO na e Aeropuerto, y dado momento chofer di un vehiculo/tanki di combustible a comete error y pesey a dal

cu e vehiculo den e avion, ocasionando daño na e ultimo. Esaki naturalmente ta suficiente pa autoridadnan di Merca stop e avion aki di lanta vuelo, como cu un chequeo mester ser haci prome.

E tanker lo a ocasiona daño na parti di e fuselaje di avion, y aunke e ta facil pa worde reemplaza, tog mester haci e investigacion necesario pa check si e daño por a 'plama' pa demas estructura primordial di e avion.

Pa tal motibo e avion a worde "grounded" na Tampa, net den un momento cu Air Aruba tin un scarsedad di avion.

MISS ARUBA TARIN MANSELL PREPARANDO NA COLOMBIA



ORANJESTAD (AAN): Manera ta conoci, recientemente Miss Aruba Tarin Mansell a sali cu vuelo for di Aruba rumbo pa Medellin Colombia, unda e ta preparando su mes pa e gran evento di Miss Universe.

Ayer DIARIO a ricibi directamente for di Colombia e bunita foto aki di Tarin Mansell, como tambe un mensahe cu e tin pa pueblo di Aruba.

Miss Aruba Tarin Mansell ta manda saludonan caluroso pa henter pueblo digno di Aruba for di su lugar di entrenamiento na Medellin, Colombia.

DIARIO a compronde cu na Colombia e ta ser prepara door di Haime Arango pa cu e proximo certamen di Miss Universe.

Casi tur hende sa caba cu e aña aki e certamen di Miss Universe lo ta for di e ciudad di miyon di luz, esta Las Vegas den estado di Nevada na Merca. E lo ta dia 17 di Mei 1996, y esnan na Aruba lo por mira esaki via di WRAL-TV, e affiliate di CBS via Cable-TV.

E certamen mes lo ta den e prestigioso Aladdin Hotel.


For di Colombia a ricibi e informacion cu for di mainta trempa caba Tarin ta cuminsa cu su gimnasia. Despues di esaki e ta sigui cu curso di Periodismo y tambe Modelahe.

Aparte di esaki, e ta hayando informacionnan valioso y importante di peinado y maquillaje.

Tarin ta ser spera back na Aruba pa fin di e luna aki.

Sinembargo, prome cu e regresa Aruba, tin plan pa dia 28 di Maart venidero, Tarin lo ser presenta na prensa Colombiano. Esaki lo ser haci na cas di Haime Arango mes.

SEAPORT
Cinemas




Twentieth Century Fox Presents
Waiting to Exhale

SHOWTIME:
6:00-8:30 PM
18 YEARS UP




SHOWTIME:
5:30-8:00 PM
14 YEARS UP



SHOWTIME:
4:00-6:15-8:45 PM
14 YEARS UP

DRIVE IN



SHOWTIME:
8:00 PM
18 YEARS UP

FOR MOVIE INFORMATION
CALL 30318